El campo aloza uno mio e mezo lontan di la terra; le porte si tien serate, per caxom che stratioti non escha fuori.

Da Confù, dil rezimento, di 9, et dil proveditor. Scriveno dil conzonzersi di l'arma' di la Prevesa con l'altra, et manderano al zeneral Paulo Albanese con la compagnia, e armerano la fusta con li 500 ducati mandati, et li grippi. Item, dil zonzer li tre citadini mothonei, vieneno per oratori a la Signoria nostra, e si partirano doman con uno gripo.

Di Franza. Fo leto una letera dil roy, data a Liom, a di 13, scrita al suo orator qui, domino Accursio Maynieri, qual fo leta im pregadi. Primo, che 'l re di romani vol esser suo amico, et maxime li electori di l'imperio, e li manda do honeveli oratori, zoè el ducha di Saxonia, per nome di electori, et uno episcopo per il re; et l'archiducha li à mandà soi oratori, come bon parente, sugietto e vaxallo; et che il re de Ingaltera li ha amandà a dir, è venuto con la moier a Calex, et con lui sta in amor; et che aspeta li oratori di Elemagna per tratar acordo, et vol includer la Signoria nostra, per le cosse di la christianità, tratando acordo con ditti oratori; et dil papa, el sta ben; di Napoli, non far O senza il voler di la Signoria nostra; e di lo armar, si duol che questo anno non farà, ma dice uno altro anno farà grossa armata; et come va a Troes per dar audientia a li oratori elemani, per esser loco su la strada. Item, è zonta da Roma la decima dil papa; ma non è possibel exiger questo anno.

Da Milam, di Vicenzo Guidoto, secretario, di 17 et 18. Come zonse li et arivò a l'hostaria, andò a trovar monsignor di Luciom, li dè le letere di credenza; volse el disnasse con lui. Poi esso secretario li disse, era venuto per star li etc. Li rispose, comunecheria il tutto, e cussì dovesse far lui. Poi visitò missier Claudio, et missier Michiel Rizo, regij consieri, et li dete le letere credenzial. Item, che Luciom li disse di l'editto fato per il re, le done di foraussiti rebelli vadino in Aste, le qual donne sono fuzite in le nostre terre; prega la Signoria ge le diano. Item, scrive che, andando a Milan, tutti si doleva di portamenti de' francesi. Item, uno domino Zuan Maria, arziepiscopo di Zenoa, fradello dil signor Lodovico, è in Elemagna, scrive a li soi, che il re di romani verà in auto, et cussì milanesi stanno in speranza; tamen si dice de li per francesi, ditto re di romani esser in acordo con la christianissima majestà.

Dil ditto, di 18. Come à ricevuto letere nostre, vano in Franza, le manda per le poste regie; et

monsignor di Lucion li ha ditto di domino Marco da Martinengo, stato a Venecia, et, hauto la nostra letera, si ha justifichato non esser stà vero. *Item*, eri zonse monsignor di Obignì a Pavia, et luni sarà a Milam; et oltra monsignor di Montason, con lanze 50, ne va altre 150 a Pisa, et le zente altre aspetano su quel di Lucha. *Item*, el castello si lavora le fosse con opere 100 al zorno; è stà ruinà le caxe di la piaza atorno, lasia piaza dil eastello sia spaciosa.

Di Bergamo, di rectori, di 20. Come voleano far conseio per dar li ducati 2000 rechiesti dil subsidio, per la diferentia col teritorio; e Piero Zonchia scrisse de lì etc. Et per una altra letera, scriveno non pol mandar homeni per l'armada.

Di Brexa, di rectori, di 17. Manda uno reporto, videlicet Bortolo da Lover, mandato in Elemagna, referi, parti da Yspurch a di 13 di questo; non è expedita la dieta, et nel conseio intra solum 12 signori a presso il re, et fanno le cosse secrete più che mai. Non ha visto preparation di zente; è stà fato comandamento per le terre dil re, stagino in hordine di arme, et quelli non le hanno, vadino a la corte e li sarano date per li soi danari. Non vol soldato forestier alcun. Il re vol andar a Roma per la via de Milan, ma si judicha l'andata anderà in longo, per non esser conclusa la dieta, et non ha danari ni zente in hordine. Item, è zorni otto, fo 204 a Yspruch tre milanesi dai fioli dil Moro, ch'è a Ospurch venuti; et il re li promete meter tutti i milanesi in casa, e mostrò letere sigilate, va a missier Galeazo di San Severin, qual è a Mantoa, il re lo manda a chiamar. Item, li oratori electi per Franza non erano partiti; et a Ospurch è ambasadori di sguizari, e non è sigilà la pace con ditti sguizari, sono diferenti; essi non voleno dar cossa alcuna a la camera imperial, vol esser in libertà di tuor soldo de chi li piace. Item, questi di, XXV fanti de' agnelini (sic) andono in Venosa, terra dil re, et amazò alcuni. Item, a di X zonse a Yspurch il secretario di la Signoria nostra, qual parti a di XI per Ospurch, dove è il re. Item, el Fosborg, conte, homo di gran auctorità in le terre franche, era aspetato a la dieta, ancor habi mandà suo fiol; par el non voy satisfar a la richiesta dil re, et che 500 cavali, fo dito haver mandati il re versso Goricia, non era per altro se non per dubito de incurssion de' turchi, e non se fidano molto. Erano stà messi ditti cavali in Lubiana et Petua. Item, a la corte è trenta milanesi; i puti dil signor Lodovico stanno con poche persone, e spesa molto limità; et quelli parlano il re debbi invader el

203\*